



Inatsisartunut ilaasortaq
Jens NapâtôK'
Naleraq

28-08-2026
Sags nr. 2026 - 15398
Akt. id. 26771505

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqutip nr. 145/2026-p akineqarnera una pillugu nunaqarfinni isorliunerusunilu sulisunut bonusit.

Asasara Jens NapâtôK'

Qujanaq apeqquternut. Apeqqutit pineqartut ataani ataasiakkaarlugit issuarneqarput, akissutit ataanni allassimallutik.

1. Naalakkersuisut ilisimatitsissutigisinnaavaat nunaqarfinni isorliunerusunilu ilinniagaqarsimasut qanoq amerlatigisut maanna suliffeqarnersut najugaqarlutillu?

- a. Kisitsisit sapinngisamik najugaqarfinnut, ilinniakkatigut suliaqarfinnut kiisalu pisortani namminersortunilu suliffeqarnermut agguataarnissaat kissaatigineqarpoq.**

Nunatta Naatsorsueqqissaartarfiani, nunaqarfinni innuttaasut qaffasinnerpaamik ilinniagarisaat pillugu nalunaarsukkami 78,6 %-it ilinniagaqanngillat, 3 %-it ilinniarnertuunngorsimapput, 14 %-it inuussutissarsiornermik ilinniagaqarsimapput, 2 %-ii professionsbachelor-itut ilinniagaqartuullutik. Kisitsisinngorlugit, nunaqarfinni innuttaasut annerpaamik ilinniagarisimasaat ima isikkoqarpoq:

Tabeli 1. Innuttaasut qaffasinnerpaamik ilinniarsimasaat (nunaqarfinni innuttaasut)

Meeqqat atuarfiat 10. klasse-p nalaanut	3889
Ilinniarnertoq	153
Inuussutissarsiornermik ilinniagalik	715
Angusanik qaffassaneq	16
Ingerlariaqqiffiusumik ilinniagaqarneq naatsoq	32
Bachelori	9
Professionsbachelori	121
Kandidat-i	12
Phd. aamma ilisimatooq	0

Tunngavik: Nunatta Naatsorsueqqissaartarfia, 2024 [UDDISCPROD]



UDDISCPROD suliffeqarnermi inissisimanermik takutitsinnigilaq. Suliffeqarnermut tunngasutigut nalunaarsukkat kingulliit ARDBFB01 2024-imeersuupput.

Malugeqquneqarpoq, Kangerlussuaq nunaqarfinngornikummat, aammalu innuttaasut qaffasinnerpaamik ilinniagaat pillugit kisitsisinik anillatsitsineq, nunaqarfiit tamakkerlugit nalunaarusiamik takutitsisarmat.

Kisitsisisit nalunaarsukkat atorineqartut avinngarusimasunut immikkut tunngasuunngillat. Taamaattumik naatsorsuutit nunaqarfinnut tunngasuupput il.il.

Tabeli 2. Nunaqavissut pingaarnertut suliffeqartut nunaqarfinni qaammammut agguaqatigiissillugu

2024

Inuussutissarsiornermi immikkoortortaqaarfik	Pisortat allaffissornerat kiffartuussinerallu	Inuussutissarsiornermik immikkoortut allat
Aalisarnej, aalisakkanillu tunisassiornermi niuernej		1135
Niurtunik pilersuineq atugassanillu nioqquteqarneq		370
Meeqqat atuarfiat sanilliunneqarsinnaasullu (COFOG ¹ 9.10)	284	
Ilaqutariit meeqqallu (COFOG 10.40)	219	
Assartuineq assartugassalerinerlu		147
Utoqqalineq (COFOG 10.20)	137	
Pisortat nalinginnaasumik kiffartuussinerat (COFOG 1)	121	
Aningaasaqarnermut tunngasut (COFOG 4)	115	
Nukissiuutinik imermillu pilersuineq		94
Peqqinnissaqaarfik (COFOG 7)	75	
Allat (COFOG x)	55	
Akunnittarfiit neriniartarfiillu		50
Avatangiisit innarlitsaaliorneqarnerat (COFOG 5)	49	
Inuiaqatigiit illersugaanerata allat (COFOG 10.x)	48	
Sunngiffik, kulturi upperisarlu (COFOG 8)	46	
Sanaartorneq sanaartortitsinerlu		43
Allaffissornikkut kiffartuussinerit		37
Nalunaarsuuteqanngitsut		34
Nunalerineq, orpippassualerineq nunalerinermilu tunisassiornej niuernerlu		31
Inuiaqatigiinni toqqissisimaneq isumannaassuserlu (COFOG3)	21	
Illersornissaq (COFOG 2)	11	
Aatsitassarsiornej		7
Nioqqutissiornej		6
Paasissutissalerineq attaveqaatilerinerlu		4
Aningaaseriviit aningaasaliisarfiillu		4
Inuusuttut ilinniartitaanerata qaffassusia (COFOG 9.20)	4	
Inissiaateqarneq		2
Ilinniartitsineq allat (COFOG 9.x)	2	

¹ Naggasiullugu oqaatigineqassaaq COFOG (Classification of the Functions of Government) pisortat allaffissornerannut kiffartuussinerannullu tunngassuteqartoq. COFOG normulerneqarsimanngitsaq pisortat suliaasaqarfiini tamakkiisumik kisitsisaapput. Tabelimi suliaasaqarfiit immikkoortillugit saqqummiunneqarput, soorlu COFOG 1, COFOG 2, COFOG 3 il.il.



Kiffartuussilluni inuussutissarsiorfiit allat		1
	1187	1965

Tunngavik: Nunatta Naatsorsueqqissaartarfia, 2026 [ARDBFB01]

b. Kisitsisit minnerpaamik ilinniartitsisunut, peqqinnissaqarfimmi sulisunut, isumaginninnermik suliaqartunut kiisalu sanasunut tunngassuteqarnissaat kissaatigineqarpoq.

Tabelip aappaata takutippaa, inuit 284-it suliffeqartut meeqqat atuarfianni, inuit 75-it suliffeqartut peqqinnissaqarfimmi, inuit 219-it suliffeqartut ilaqtariinnut meeqqanullu tunngassuteqartuni aamma inuit 137-it suliffeqartut utoqqarnik isumaginninnermi.

Namminersortuni inuit 43-it sanaartornermi sanaartortitsinermilu suliffeqarput.

Malugeqquneqartariaqarpoq, Kangerlussuaq nunaqarfittut inissisimalernikummat. Kisitsisit taamaallaat anillatsinneqarsinnaapput, nunaqarfiit tamarmik ataatsikkut katillugit suliffeqarnermut tunngasuni.

2. Naalakkersuisut naatsorsuisinnaappat, innuttaasunut pineqartunut ukiumut 25.000 kr.-inik, 50.000 kr.-inik imaluunniit 75.000 kr.-inik nunaqarfinni isorliunerusunilu najugaqarnermut bonusisuteqartitsisoqassappat, pisortanut ukiumut aningaasatigut kingunerisassai qanoq annertutigissanersut?

a) Naatsorsuinermi aaqqissuussinermik ingertatsinermut aningaasartuutit sapinngisamik ilanngunneqarnissaat kissaatigineqarpoq.

Nunaqarfinni pisortani, akisussaafeqarfiit Kommunip, Naalagaaffiup aamma Namminersornerullutik Oqartussaniipput.

Inuit, pingaarnertut peqqinnissaqarfiup iluani suliffeqartut nunaqarfinni

Nunaqarfinni ilinniartitsisutut sulisut	Bonusi	Tamarmik katillugit
75	25.000	1.850.000
75	50.000	3.750.000
75	75.000	5.625.000

Inuit, pingaarnertut meeqqat atuarfianni assigisaannilu suliffeqartut nunaqarfinni

Nunaqarfinni ilinniartitsisutut sulisut	Bonusi	Tamarmik katillugit
284	25.000	7.100.000
284	50.000	14.200.000
284	75.000	21.300.000



Inuit, pingaarnertut utoqqalinerut tunngassuteqartuni suliaqartut nunaqarfinni

Nunaqarfinni ilinniartitsisutut sulisut	Bonusi	Tamarmik katillugit
137	25.000	3.425.000
137	50.000	6.850.000
137	75.000	10.275.000

Inuit, nunaqarfinni sanaartornermut tunngasutigut suliaqartut

Nunaqarfinni ilinniartitsisutut sulisut	Bonusi	Tamarmik katillugit
43	25.000	1.075.000
43	50.000	2.150.000
43	75.000	3.225.000

Tabeli 3. Nunaqarfinnilu bonusisitsisoqartassappat pisortanut tamakkiisumik aningaasartuutissat tamakkiisumik missingersorlugit

Suliami suliaqarfik	Bonusi 25.000 kr.-i	Bonusi på 50.000 kr.-i	Bonusi på 75.000 kr.-i
Peqqinnissaqarfik	1.850.000	2.750.000	5.625.000
Meeqqat atuarfiat	7.100.000	14.200.000	21.300.000
Isumaginninnermi tunngasuni	3.425.000	6.850.000	10.275.000
Sanaartornermi tunngasuni	1.075.000	2.150.000	3.225.000
Tamakkiisumik kr.	13.450.000	25.950.000	40.425.000

Tabeli 3-mi missingersuut nikingassuteqarsinnaalluarpog. Nikingassutaasinnaasut pingaartumik attuumassuteqarput inuit pineqartut amerlassusaasa naatsorsorneqarnerannut, aaqqissuussinermik periarfissaasumik qanoq ilusiliinerut kiisalu tunniussinissamut tunngavigineqartussanik aalajangersagaasunut. Inuit pineqartunut ilaasut amerlassusaasa naatsorsorneqarnerat tunngavigineqarpoq nunaqarfinni inuussutissarsiutit aalajangersimasut iluanni pingaarnertut suliffillit amerlassusaat, takuuk tabeli 2. Naatsorsukkat immikkut takutinngilaat, inuit pineqartut suliaqarfinniittut ilinniagaqarsimasuunersut. Pingaarnertut suliffillit kisimik naatsorsuinerut ilanngunneqarmata, inuit ullup affaa sulisartut imaluunniit saniatigoorutaasumik sulisartut ilanngunneqarsimanngimmata.

Innuttaasutut nalunaarsorsimasuni nalunaarsukkat ukiumut aallartinneranit naanissaanut nalunaarsornerat taamaallaat takutinneqarpoq. Aammattaaq aaqqissuussinerup akileraartarnikkut qanoq suliarineqarnissaa pillugu naatsorsuutiginnittoqanngilaq. Bonusi akileraaruteqaataasussatut isertitatut tunniunneqarpat, aningaasartuutit ilaat akileraarutitigut isertitanik annertunerulersitsinikkut pisortanut utertinneqassapput, bonusili akileraaruteqaataanngitsumik tunniunneqarpat tamanna pisortanut aningaasartuutaasunik ilanngaanneqanngitsunik annertunerusunik kinguneqassaaq.

Kommunip ataatsip aningaasartuutissai missingersorniarlugit tallimararterutaasumik kisitsilluni agguasoqarsinnaanngilaq bonusisitsisoqassagaluarpog isorliunerusunni nunaqarfinnilu. Nunaqarfiit amerlassusiat innuttaasunilu amerlassusiat assigiinngiiaarpog kommunini ataasiakkaani tamani.



b. Naalakkersuisut sulisunik qanoq annertutigisumik pisariaqartitsoqarnissaa pillugu missiliunissaat kissaatigineqarpoq.

Suliffeqartut, aalajangersimasunik ilinniagaqarsimasut, aalajangersimasuni najugaqartut kiisalu suliffeqarsinnaanermut tunngatillugu inissisimaneq tunngavigalugu inuit aalajangersimasut immikkut ittumik akileraarutitigut iluaqutissinneqarnissaa, soorlu ilanngaateqartitaanikkut imaluunniit akileraarutini appartitsinikkut, assigiinngitsorpassuarnik kinguneqassaaq.

Siullertut inatsisiliornermi pisariaqartassaaq inuit immikkut ilanngaatisinnaatitaasut kikkunersut aalajangersarniarlugit piumasaqaatit erseqqissut aammalu tamanut assigiimmik atorpeqarsinnaasut aalajangersarneqarnissaa. Akileraartarnermut ingerlatsiviup siunissami pineqartillugu pisariaqartissavaa inuit ataasiakkaat ilinniagaqarnikkut suliassaqarfiat, suliffeqarfimminni inissisimaffiat il.il. pillugit paasissutissat amerlanerusut pissarsiarinissaa, taakkumi paasissutissat ullumikkut ingerlatsiviup piginnigimmagit. Paasissutissat taakku siunissami eqqortumik akileraarusiinissamut pisariaqartuussapput. Taamaattumik sulisitsisut kommunillu il.il. naatsorsuutigineqassaaq aaqqissuussinerup aqunneqarneranut tapersiisumik paasissutissanik nalunaaruteqartussaataitanerisa annertusineqarnissaa. Tamatuma saniatigut akileraartussaataitaasut suliassaa pisariusunngussaaq, inuit ataasiakkaat akileraartussaataitanerat siunissami sulinerup imaluunniit inuussutissarsiornikkut suliassaqarfiup allanngorneratigut sunnerneqarsinnaassamat.

Aaqqissuussineq aamma annertuumik nakkutiginninnissamik pisariaqartitsissaaq. Assersuutigalugu inuit nuunnerlutik nalunaaruteqanngitsoorsinnaapput imaluunniit najugaqarfiginngisaminni najugaqartutut nalunaarsorlutik ilanngaatit annertunerusut pissarsiariniarsinnaallutik.

Taamatuttaaq inuit soraarsitaasinnaapput imaluunniit suliffimmik allamik nassaarlutik, tamannalu ilanngaammik pineqartumik pisinnaatitaaffeqarnerannut allannguuteqartitsisinnaavoq. Aaqqissuussinerup atuutilersinneqarnissaa sulisitsisunut allaffissornikkut annertunerusumik suliakkiissaaq. Aamma akileraarutitut akissarsianullu tunngasunik aaqqissuussinerni kiisalu akileraarutitut nalunaaruteqarnermi allannguisoqarnissaa pisariaqassaaq. Allaffissornikkut suliassaq ingerlaavartumik ingerlanneqartariaqassaaq, suliffeqarneq allanngujaalluinnartuunngimmat, allanngorartuullunili.

Maannakkut paasissutissat tunngavigalugit allaffissornikkut kingunerisassat qanoq annertutiginissaa erseqqinnerusumik naatsorsorneqarsinnaanngilaq. Tamanna ilaatigut aaqqissuussinerup qanoq ilusilerneqarnissaanik kiisalu ilanngaammik pisinnaatitaaffiup piumasaqaataasa qanoq ilusilerneqarnissaanik aalajangerneqassaaq.

Aamma tunngavigineqartut maannakkut pigineqartut tunngavigalugit aningaasatigut isertitassanut sunniutissat katillugit qanoq annertutigissanersut erseqqinnerusumik naatsorsorneqarsinnaanngilaq, tassami tamanna aaqqissuussinerup qanoq ilusilersorneqarnissaanik kiisalu inuit amerlasuut aaqqissuussinermut ilaatinneqartussaannerat apeqqutaassamat.

Ilanngaateqarneq kommunit isertitat akileraarutaannit isertitaannik appariartitsissaaq, kommunimmi inuit isertitaannit akileraarutaasa amerlanerpaartaannik pissarsisarmata.

3. Naalakkersuisut ilisimatitsissutigisinnaavaat aaqqissuussinerup taamaattup pisortanut allaffissornikkut qanoq kinguneqarnissaa naatsorsuutigineqarnersoq? a. Tassunga qinnuteqaatit sularineqarnerat, nalunaarsuineq, najugaqarnermut suliffeqarnermullu paasissutissat nakkutigineqarnerat kiisalu bonusip tunniunneqarnera imaluunniit akileraarutitigut sularineqarnera ilanngullugit. b. Naalakkersuisut sulisunik qanoq annertutigisumik pisariaqartitsisoqarnissaa pillugu missiliunissaat kissaatigineqarpoq.



Innuttaasut aalajangersimasut aningaasaqarnikkut immikkut iluaqutissineqarnissaat akileraarutitut imaluunniit ataasiartumik immikkut aningaasarsititsinermut tunngasutut kisimi isigineqarsinnaanngilaq. Maluginiarneqartariaqarpoq aaqqissuussinerup taamaattup, ilanngaattut imaluunniit akileraarutininik appartitsinertut ilusilernerqartumik, atuutilersinneqarnera naatsorsuutigineqartariaqartoq akileraartarnermut systemip pisariunerulerneranik allaffissornikkullu oqimaannerulerneranik kinguneqassasoq.

Aaqqissuussineq taamatut ittoq atuutereersut tunngavigalugit isigineqartariaqarpoq, tassunga ilanngullugit akissarsiat atorfeqarnermilu atugassarititaasut, isumaqatigiissutit atuuttut kiisalu isumaqatigiissutaareersut sulisartunik pineqartunik atorfinitsitsinermut, tigumminninnissamut, tapinut aammalu atugassarititaasunut allanut tunngasut. Ataatsimoortumik isumaqatigiissuteqarnikkut aaqqissuussinerit atuutereersut ataqqineqartariaqarput, taamaattumillu periaaseq atuuttoq isumaqatigininninnaatitaasunik kattuffinnik peqataatitsimmata. Bonusi imaluunniit akileraarutitigut iluaqutissiissut eqqarsaatigalugu aningaasartuutit kisimi naatsorsornerat naammanngilaq.

Qinnuteqarnermut, nalunaarsuinermut, najugaqarnermut sulinermullu tunngasunik nakkutilliinermit kiisalu tapiissutit tunniunneqarnerannut imaluunniit akileraarutininik akiliinermit atatillugu allaffissornikkut suliassat aalajangersimasut aaqqissuussinerup immikkut aalajangersarneqartussap qanoq ilusilersimaneranut malussarissuussapput.

Soorunami allaffissornikkut sulisutigullu kingunerisassat erseqqinnerusumik nalilersorneqarnissaat annertuumik apeqqutaassaaq sulisunut aalajangersimasunut immikkut iluanaarutitalimmik sallinneqarnissaannik ilusiliinermit toqqaaniarnermi, tassani ilanngullugit nalilerneqartariaqassalluni tamanna akissarsiaqartitsinermit aaqqissuussinerit immikkut ittut aqutigalugit pissanersoq imaluunniit akileraartarnikkut immikkut ilanngaattit pilersinneqarnerisigut aqunneqarnerisigullu kiisalu taakku qanoq ilusilernerqarnissaannik tunngaveqassanersoq. Maannakkut tunngavissat pigineqartut tunngavigalugit sulisussanik pisariaqartitsineq erseqqinnerusumik naatsorsorneqarsinnaanngilaq, tassami tamanna toqqarneqartumik periusissiamut aammalu aaqqissuussinerup allaffissornikkut ilusilersimanerata isikkua qanoq inneranut apeqqutaammat.


4. Naalakkersuisut naatsorsuisinnaappat nunaqarfinni isorliunerusunilu najugaqarnermut bonusimik imaluunniit akileraarutitigut oqilisaassissummik atuutsitsinerup namminersorlutik inuussutissarsiortunut innuttaasunullu aningaasatigut allaffissornikkullu qanoq kinguneqarnissaa? a. Inuussutissarsiortunut tunngatillugu aaqqissuussinerup sulisitsisunut allaffissornikkut suliassanik imaluunniit aningaasartuuteqarnerunermik 1 kinguneqarnissaa naatsorsuutigineqarnerisigut ilisimatitsissutigineqassasoq kissaatigineqarpoq. b. Innuttaasunut tunngatillugu uppersaattit suut kiisalu qanoq allaffissornikkut suliassat pisariaqartinneqarnissaat naatsorsuutigineqarnerisigut, aammalu innuttaasup ataatsip aningaasatigut qanoq iluaqutiginissaa naatsorsuutigineqarsinnaanersoq ilisimatitsissutigineqassasoq kissaatigineqarpoq.

Apeqqutitut 2b-mut aamma 3-mut akissutigineqartut innersuussutigineqarput. Tassani ersersinneqartut, akileraarutitut tunngaveqartumik aaqqissuussineq sulisitsisunut allaffissornikkut suliassanik annertunerulersitsissasoq naatsorsuutigineqassaaq, ilanngullugit nalunaaruteqartarnermut atatillugu suliassat. Innuttaasunut tunngatillugu uppersaatinik saqqummiussinissamut piumasaqaatit kiisalu allaffissornikkut ingerlatsineq aaqqissuussinissamut aalajangersarneqarsinnaajumaartuni piumasaqaatinut apeqqutaassapput. Taamatuttaaq inuit ataasiakkaat aningaasatigut iluaqutissaat aaqqissuussinerup aalajangersimasumik ilusilersimanerata isikkua aammalu akileraarusorneqarnerata qanoq



pineqarnissaanut apeqqutaassapput, taamaattumillu maannakkut tunngavigineqartut tunngavigalugit
erseqqinnerusumik naatsorsorneqarsinnaanatik.

Inussiarnersumik inuulluaqqusillunga


Maritha Broberg